

րոնց համեմատ տաճարը կոչվում է «յարկ Սրբոյն Ստեփանոսի», «սուրբ Ստեփանոսի գերեզման», սուրբ «Ստեփանոս»։ Թյուրիմացութուն պիտի համարել Ալիշանի կարծիքը, վորպես թե տաճարը նվիրված էր նաև Ստեփանոս Նախավկայի հիշատակին։ Միակ դժվարությունն այս մտքի հաստատության՝ շինության և Որբելյանի տված թվականների տարբերությունն է. սակայն անհավանական չէ, վոր առաջինը սկսվածքի թվականը լինի, իսկ յերկրորդը վերջավորության, մասնավանդ վոր 1278 թվից ունինք Ամիրշահի արձանագրությունը վանքի ներսը՝ աջ դասի ավանդատան գլխին, վորով հայտնում է, թե ինքն է հոգացել այդ ավանդատան կամ ըստ արձանագրության մատրան ծախսը։ Թանահատը և Վայոց ձորի Նորավանքը, ուր ապրում էր ժամանակակից պատմիչը, այնքան մոտ էին իրար, վոր նա սխալվել կարող չէր։ Որբելյանի նույն թվականը պահված է և Յայամավուրքի՝ Ստեփանոս Սյունեցու վկայարանության մեջ, վոր հավանորին ԺԴ - ԺԵ. դարում արդեն առնված էր Որբելյանից այդտեղ։ Պատմիչի այս տեղեկությունից իմանում ենք նաև, վոր վանքի շինության մասնակից էին «բնակիչք տեղւոյն», այսինքն միաբանները։ Այս և ուրիշ վանքերի շինության արձանագրություններից ել յերևում է, թե տեղի միաբանությունը վանահոր գլխավորությամբ միշտ զբաղված էր մասնակցություն են ունեցել վանքերի շինության մեջ։

Յեկեղեցին յուր արտաքինով մի շատ գողտրիկ չենք ե. յուրատեսակ գեղեցկություն և տալիս մանավանդ գմբեթի բարձր թմբուկը, զարդարված բարձրաքանդակներով։ Տաճարի մարմինը քառանկյունի է դրսից. բացի արևմտյան պատից, մյուսները կտրատված են զոյգ նիշերով։ Մի մի նեղ և յերկարավուն լուսամուտ պատերի վերին ճակատներում, վոր շրջանակված է ներքևից վեր բարձրացող զույգ յերիշկաձևով (տ. հարավային պատը. պատկ. 46)։ Մի մի փոքրիկ, անզարդ լուսամուտներ ել գտնվում են արևելյան պատին առանդասների համար։ Միայն մի դուռ ունի՝ արևմտյան կողմից, քառանկյունի բացվածքով, վոր շրջանակված է նման յերիշկաձևերով և վերջանում է կամարակալ քարի գլխին սրածայր աղեղով։ Մի յերկրորդ արտաքին շրջանակ քառանկյունի յի, մեջն առնելով դրան շրջանակը յուր կամարակալ քարով, վեր է բարձրանում, կրկին քառանկյունի շրջանակ կազմում արևմտյան լուսամուտի շուրջը և վերջանում ճակատին բոլորակալ զավազանով, մեջը դուռն ընկած պորտով (տ. արևմտյան պատը. պատկ. 46)։

Հարավային պատի վերա, լուսամուտից ներքև, նայողի ձախ կողմից, մի բազմ պատուում է մի ուրիշ թռչունի կուրծքը. իսկ աջից արևի ժամացույցի գլխին քանդակված է ավելի փոքր, յենդավոր մի սկիհ, վորից խմում են յերկու զեմ առ զեմ կանգնած թռչունները, յերկու սիրամարգ առանց փված պղնձերի։ Զիշդ նման մի մոտիվ գտնվում է Կայիրի թանգարանում, մի գերեզմանական հուշարձանի կտորի վերա, վոր Cruin-ից առել է

Kaufman *։ Փոքր ինչ տարբեր ձևակերպությամբ և փոփոխակներով՝ մեր մանրանկարչական սիմբոլիկ զար-



Խաչքանդակ Պոռնի վիմափոր տաճարում. Պատկեր 41.

զարդության ամենասիրելի մոտիվներից մեկն է։ Այս մոտիվն անցել է նաև Անիի կարասներին **։ Սիրամար-

* Handbuch der Christlichen Archäologie. Paderborn. 1905. 313/4.

** X. B. Том: V. вып. I Пет. 1916. Чубинов. Г. Декоративное убранство Анийских карасов. табл. XV. 4.